

### 3.2. Recursos humanos

#### **Acordo da Mesa do Parlamento de Galicia, do 26 de decembro de 2022, polo que se crea a escala técnica de mantemento de infraestruturas no corpo de xestión do Parlamento de Galicia**

Faise necesario dotar de persoal cualificado o Servizo de Persoal e Réxime Interior para dar satisfacción ás demandas actualmente existentes na Administración parlamentaria en materia mantemento do edificio e as súas infraestruturas. Considerase oportuno, polo tanto, a creación dunha escala técnica de mantemento de infraestruturas que complete a dotación actual da citada unidade administrativa.



O artigo 22.3 do Estatuto de persoal do Parlamento de Galicia (DOG núm. 248, do 26 de decembro de 2007 e corrección de erros no DOG núm. 251, do 31 de decembro de 2007) dispón:

«A Mesa do Parlamento poderá crear dentro de cada corpo, cando así fose necesario por razóns de especialización, novas escalas. A creación comportará a determinación da súa denominación, funcións e nivel de titulación ou titulacións concretas que se exixa para ingresar nela.»

A Mesa da Cámara é o órgano institucional colexiado que, baixo a dirección da Presidencia, dirixe a Administración da Cámara e ten competencia para ditar disposicións administrativas (art. 1 do Regulamento de organización e funcionamento da Administración do Parlamento de Galicia, DOG núm. 87, do 7 de maio de 2018).

Polo exposto, a Mesa do Parlamento, ao abeiro do establecido no artigo 22.3 do Estatuto de persoal do Parlamento de Galicia e no artigo 17 a) do Regulamento de organización e funcionamento da Administración do Parlamento de Galicia, dispón:

#### *Artigo 1. Creación da escala técnica de mantemento de infraestruturas*

Créase a escala técnica mantemento de infraestruturas, que se integra no corpo de xestión do Parlamento de Galicia previsto no artigo 21.c) do Estatuto de persoal do Parlamento de Galicia.

#### *Artigo 2. Grupo de clasificación profesional*

A escala técnica de mantemento de infraestruturas clasifícase no grupo B dos previstos no artigo 20 do Estatuto de persoal do Parlamento de Galicia.

#### *Artigo 3. Titulacións exixidas para ingresar na escala*

Para ingresar na escala técnica de mantemento de infraestruturas será preciso estar en posesión dalgunha das titulacións seguintes:

- Título de grao en Arquitectura, Arquitectura Técnica.
- Título de grao en Enxeñería da Edificación, Civil ou Industrial en calquera das ramas relacionadas coas instalacións e equipamentos dos edificios.

#### *Artigo 4. Funcións*

Á escala técnica de mantemento de infraestruturas correspóndenlle as funcións de apoio técnico e xestión do edificio e das instalacións do Parlamento de Galicia.

#### *Disposición derradeira primeira. Dereito supletorio*

En todo o non previsto nesta disposición administrativa aplicarase supletoriamente o Estatuto de persoal do Parlamento de Galicia.



Disposición derradeira segunda. *Entrada en vigor*

Esta disposición administrativa entrará en vigor o día seguinte ao da súa publicación no *Boletín Oficial do Parlamento de Galicia*.

Santiago de Compostela, 27 de decembro de 2022

Miguel Ángel Santalices Vieira

Presidente

